



Ternet Ninja

Inuusuttuaraq Aske ninjamik inuusaatitaarpoq, igalaasalinnik atisalimmik uumassusilimmillu. Inuusap taassuma toqutsisoqarsimaneranik paasiniaanermi Askep ikiuinissaa pisariaqartippaa, Askellumi inuusuttuaqqatut inuunerup ajunngitsumik atornissaanut Ninjap ikiuinissaa pingaartippaa – taamaasillutik imminnut piumaffigisinnaangillat!

/ Suliaqartussat: 5. klassinit 8. klassinut



Atuartitsinermut atornissaanut allattukkat

'Ternet Ninja' nukappiaraq Aske filmip ingerlanerani inoqamminik pingaartitsisarnissaminik ilinniartoq pillugu quianartumik asuliinnaliortuunngitsumilli oqaluttualiaavoq. Filmimi inuusuttuarannguaq inuttaasoq meeqqat inuusuttullu oqaasiinik oqaaseqarluni oqaluppoq, oqariartuuteqarlunilu ikinngutigijneq, akiniaasarneq, qinngasaarisarneq meeqqallu sulisitaasarnerat pillugit. Askep ilaqaatasalu taakkualu ulluinnarni qanoq inuuneqarnerisa takutinneqarneratigut filmi pivusorpalaartumik takutitsivoq, aammali ninjamik inuusamik oqalullunilu unammeriaannaasumik torrallatavimmik takutitsilluni.

Filmi pillugu suliaqarnissamut ilitersuutip Filmcentralimeersup (naggataaniittoq takuuk) saniatigut filmimi sunniiniutitut atorneqartut, inunnik eqqartuinissaq, filmip aaqjissuussaana, oqariartuutigineqartut sammisallu pingartiillugit Alinea Gorilla akullerni atuartitsinissamut 'Anders Matthesen på lyd, skrift og film'-imik taasaminik suliaqarsimavoq.

Kapitalinutaaq suliaasiissutinik apeqqutinik imalinnik atuartut namminersuutigisassaannik ilanngussisoqarpoq.

Apeqqutit Filmcentralip ilitersuusuaanit isumassarsiorluni apeqqusiaapput filmimilu meeqqat sulisitaasarnernanut, Askep filmip ingerlanerani ineriartorneranut, Anders Matthesenip ilungersorpaluttunik quinartunillu atuineranut filmillu oqariartuutigisaanut tunngatitaallutik. Atuartut piumaffigikkit apeqqutit atuaqqaassagaat kingornalu filmi unitsissanagu isiginnaarlugu. Kingornagut utertitsisarlutik isiginnaarumarput kapitalinullu suliaasiissutit apeqqutitaat suliaralugit. Atuaqatigiit peqatigiillutik akissutigisaminnik oqaloqatigiissuteqarumarput.

Alineap nittartagaani akilimmi Gorillamiipput akullerni atuartitsissutissat, Gyldendalilu portalianiipput atuartunut angajullernut atuartitsissutissat.

Trine Mayittaaq ilinniusiatut atuakkiaani 'Anders Matthesen - Kongen af comedy'-mi Ternet Ninjamut suliaasiissuteqartoqarpoq. Atuarfissinni CFU-kkut pisarineqarsimappat mitcfu.dk-kkut atuartuutinnut atortissinnaavat (Iserfissaq Sammenhæng-imik allassimasup ataniittoq takuuk).



Kapitalinut takussutissat kapitalillu imarisaat

Kapitalinut suliassiissutit

Apeqqudit atuartut namminersuullugit suliarisassaat

Kapitalinut suliassiissutini apeqqudiginuqartut meeqqat sulisitaasarnerannut, Askep ineriartorneranut, quianartunut ilumoorpaartunullu kiisalu filmimi oqaatiginiarneqartunut tunngassuteqartut atuartut namminersorlutik suliarisinnaavaat.

01: Meeqqat sulisitaasarnerat / 00:00:02

(00:04:38-ip tungaanut isiginnaaruk)

Silarsuaruna qanorittoq takutinneqartoq?

Meeqqat sulisitaasarnerat pillugu

kalaaliusugut qanoq inissisimavugut?

Tamatuma allanngortinneqarnissaanut qanoq

iliuuseqaqataasinnaavugut?

02: Askep ineriartornera / 00:07:03

(00:12:58-ip tungaanut isiginnaaruk) Ternet

Ninja inuunerminut ilanngutinngikkallarmat

Aske qanoq inuuneqarpa? Inuunerminiuku suut

qaangerniagassarigai? Askep avatangiisiminiittunik

naapitsisarnermini qanorittut pissuserai? Askep

atuarfimmi angerlarsimaffimminilu inoqatiminut

naleqqiulluni qanoq inissisimava? Sooruna Aske

eqqunngitsumik pineqarsorigaluaraangamiluunniit

itigartitsinissaminik ajornartorsiuteqartartoq?

Askep Ternet Ninjamik ikinnguteqarnermigut

suna ilinniarpaa, Askellu Ternet Ninjap

inuunerminut ilanngutereerneratigut

piumassuseqarnerulersimaneranut filmimi

takutinneqartut suut assersuutissaappat?

03: Quinartut ilumoorpaartullu / 00:55:14

(01:00:00-ip tungaanut isiginnaaruk) Anders

Matthesenip quianartunik ilumoorpaarpaluttunillu

atuinermigut qanoriliorluni oqaatiginiakkaminik

ersersitsiniartarneranik isumaliutissiiniartarneranillu

misissuissaatit. Tarnimikkut napparsimasut

napparsimmavianniinneranni ilanngussannguaq

oqaatsinik quiartunik misissuiffigiuk. Kingornalu

oqaatsit ilumoorpaarpaluttut misissukkit.

Oqaatsinik quianartunik ilumoorpaarpaluttunillu

akuleriissitsinerup atornerqarnera qanoq

isumaqarfigaajuk, tamannalu filmip isiginnaarnerani

qanoq misigininnut qanoq sunniuteqarpa?

04: Oqaatiginiarneqartut / 01:10:56

Inutsialaaneq pillugu filmip qanoq

ilinniartissinnaavaatigut? Naatsumik

oqaatigissagukku filmip oqaatiginiagaa sunaava?